



本紀第十六

遼史十六

開府儀同三司上柱國錄軍國重事守書右丞相監修國中領經筵事都總裁臣脫脫奉勅修

聖宗七

七年春正月甲辰如達離山二月己丑朔拜日如渾河三月辛丑命東北越里篤剖河里奧里米蒲奴里鐵驪等五部歲貢貂皮六萬五千馬三百丙午烏古部節度使蕭普達討叛命敵烈滅之夏四月拜日丙寅振川饒二州饑辛未振中京貧乏癸酉禁匿名書壬辰以三司使呂德懋為樞密副使閏月壬子以蕭進忠為彰武軍節度使兼五州

制置戊午吐蕃王并里尊奏凡朝貢之假道夏國從之五月丙寅皇子宗真封梁王宗元永清軍節度使宗簡右衛大將軍宗愿左驍衛大將軍宗偉右衛大將軍皇姪宗範昭義軍節度使宗熙鎮國軍節度使宗亮絳州節度使宗弼濮州觀察使宗奕曹州防禦使宗顯宗蕭皆防禦使以張儉守司徒兼政事令丙申品打魯瑰部節度使勃魯申至鼻洒河遇微雨忽天地晦冥大風飄四十三人飛旋空中良久乃墮數里外勃魯里辛獲兔一酒壺在地乃不移八月丙午行大射柳之禮庚申以耶律留寧吳守達使宋加貝生辰蕭高九馬貽謀使宋賀正旨加平章蕭弘義開府

儀同三司尚父兼政事令秋七月甲子詔翰林待詔陳外寫南征得勝圖于上京五鸞殿丁卯蒲奴里部來貢九月庚申蒲訛國使奏本國與烏里國封壤相接數俊掠不寧賜詔諭之戊辰詔內外官因事受賄事覺而稱子孫僕從者禁之庚午錄囚括馬給東征軍是月駐蹕土河川冬十月名中京新建二殿曰延慶曰永安壬寅以順義軍節度使石用中爲漢人行宮都部署丙辰詔以東平郡王蕭排押爲都統殿前都點檢蕭虛列爲副統東京留守耶律八哥爲都監伐高麗仍諭高麗守吏能率衆自歸者厚賞堅壁相拒者追悔無及十一月壬戌以呂德懋知吏部尚書

揚人玄知詳覆院劉晟為霸州節度使北府宰相劉慎行
為彰武軍節度使庚辰禁服用明金縷金貼金戊子幸中
京十二月丁酉宋遣呂夷簡曹瑋來賀千齡節是月蕭排
押等與高麗戰于茶陀二河遼軍失利天雲右皮室二軍
沒溺者衆遙輦帳詳穩阿果達客省使酌古渤海詳穩高
清明天雲軍詳穩海里等皆死之放進士張克恭等三十
七人及第

八年春正月宋遣陳堯佐張祥來賀壬戌鐵驪來貢建景
宗廟于中京封沙州節度使曹順為燉煌郡王二月丁未
以前院樞密使韓勣為中京留守漢人行宮都部署王
繼忠南院樞密使丙辰祭風伯三月己未以契丹弘義宮
使赫石為興聖宮都部署前遙恩括部節度使控骨里債
慶宮都部署左祇候郎君耶律罕四捷軍都監乙亥東平
王蕭韓寧東京留守耶律八哥國舅平章事蕭排押林牙
要只等討高麗還坐失律數其罪而釋之己卯詔加征高
麗有功渤海將校官壬午閱飛龍院馬癸未回跋部太師
踏刺葛來貢丙戌置東京渤海承奉宮都知押班夏四月
戊子朔如緬山五月壬申以駙馬蕭克忠為長寧軍節度
使乙亥遷寧州渤海戶子遼土二河之間己卯曷蘇館惕
隱阿不葛宰相賽刺來貢六月戊子錄征高麗戰歿將校

子弟已丑以左夷离畢蕭解里為西南面招討使御史大夫蕭要只為夷离畢已亥惕隱耶律合葛為南府宰相南面林牙耶律韓留為惕隱癸卯弛大擺山後嶺採木之禁乙巳以南皮室軍校等討高麗有功賜金帛有差秋七月己未征高麗戰歿諸將詔益封其妻庚申以東北路詳穩耶律獨迭為北院大王辛酉有里涅哥二奚軍征高麗有功皆賜金帛癸亥詔阻卜依舊歲貢馬千七百駝四百四十貂鼠皮萬青鼠皮二萬五千戊辰觀稼己巳回跋部太保麻門來貢庚午觀市曲赦市中繫囚命解盜馬翼充貨宋生辰使副八月庚寅遣郎君曷不呂等率諸部女入

軍討高麗九月己巳以石用中叅知政事宋遣崔遵度王應昌來賀千齡節壬申錄囚甲戌復錄囚庚辰曷蘇館惕隱阿不割來貢壬午駐蹕土河川冬十月乙酉詔諸道事無巨細已斷者每三月一次條奏戊子遣耶律繼崇鄭玄瑕賀宋正旦癸巳詔橫帳三房不得與卑小帳族為婚凡嫁娶必奏而後行癸卯以前北院大王建福為阿扎割只甲辰改東路耗里太保城為咸州建節以領之十一月甲寅置雲州宣德縣十二月辛卯駐蹕中京乙巳以廣平都工宗業為中京留守大定尹韓愬為惕隱辛亥高麗王詢遣使乞貢方物詔納之

九年春正月宋遣劉平張元普來賀二月如駕鵞濼五月
庚午耶律資忠使高麗還王詢表請稱藩納貢歸所留王
人只刺里只刺里在高麗六年忠節不屈以爲林牙辛未
遣使釋王詢罪並允其請癸酉以耶律宗教檢校太傅宗
誨啓聖軍節度使劉晟太子太傅仍賜保節功臣秋七月
庚戌朔日有食之詔以近臣代拜赦日甲寅遣使賜沙州
回鶻燉煌郡王曹順衣物以查刺耿元吉韓九宋璋爲來
年賀宋生辰正旦使副九月戊午以駙馬蕭紹宗中章事
丁卯文武百僚奉表上尊號不許表三上廼從之乙亥沙
州回鶻燉煌郡王曹順遣使來貢括諸道漢民馬賜東征

軍以夷離畢延寧爲兵馬副都部署總兵東征是月駐蹕
金鉞濼宋遣宋綬駱繼倫賀千齡節冬十月戊寅以涅里
爲奚王都監突迭里爲北王府舍利軍詳穩即君老使沙
州還詔釋宿累國家舊使遠國多用犯徒罪而有才略者
使還即除其罪戊子西南招討奏党項部有宋犀族輸貢
不時常有他意宜以時遣使督之詔曰邊鄙小族歲有常
貢邊臣驕縱徵歛無度彼懷懼不能自達耳第遣清慎官
將示以恩信無或侵漁自然效順復奏諦居迭列德部言
節度使韓留有惠政今當伐請留上命進其治狀辛丑如
中京壬寅大食國遣使進象及方物爲子冊割請婚十一

送紀十一
月丁巳以涿水郡王韓愬為南京留守析津尹兵馬都
總管己未以夷离畢蕭孝順為南面諸行宮都部署加左
僕射十二月丁亥禁僧然身煉指戊子詔中京建太祖廟
制度祭器皆從古制乙巳詔來年冬行大冊禮放進士張
仲舉四十五人

太平元年春正月丁丑朔宋使魯宗道成吉來賀如渾河
二月乙卯幸鉞河壬戌獵高柳林三月戊戌皇子勃只只
生庚子駙馬都尉蕭紹業建私城賜名睦州軍曰長慶是
月大食國王復遣使請婚封王子班郎君胡思里女哥老
為公主嫁之夏四月戊申東京留守奏女直三十部酋長

請各以其子詣闕祗候詔與其父俱來受約乙卯錄囚丁
卯置萊州是月清暑緬山秋七月甲戌朔賜從獵女直人
秋六乙亥遣骨里取石晉所上玉璽于中京阻十來貢辛
巳如沙嶺是月獵潢河九月辛中京冬十月丁未敵烈酋
長頗白來貢馬馳戊申錄囚壬子宋使李懿王仲賓來賀
千齡節及蘇惟甫周鼎賀來歲元正即遣蕭善程蕭報聘
党項長曷魯來貢己未以薩敏解里為都點檢高六副點
檢耶律羅漢奴左皮室詳穩噪姑右皮室詳穩聊了西北
路金吾耶律僧隱御史大夫求哥駙馬都尉蕭春骨里並
大將軍庚申幸通天觀觀魚龍曼衍之戲翌日再幸還升

王輅自內三門入萬壽殿奠酒七廟御容因宴宗室十一月癸未上御昭慶殿文武百僚奉冊上尊號曰睿文英武遵道至德崇仁廣孝功成治定昭聖神贊天輔皇帝大赦改元太平中外官進級有差宋遣使來聘夏高麗遣使來貢甲申冊皇子梁王宗真為皇太子

二年春正月如納水鉤魚二月辛丑朔駐蹕魚兒濼三月甲戌如長春州丁丑宋使薛貽廓來告宋主恒殂子禎嗣立遣都點檢耶律僧隱等充宋祭奠使副林牙蕭日新觀察馮延休充宋后弔慰使副戊寅遣金吾耶律諧領引進姚居信充宋主弔慰使副戊子為宋主飯三京僧是月地

震雲應二州屋摧地陷鬼白山裂數百步泉湧成流夏四月如緬山清暑五月乙亥朔參知政事石用中薨庚辰鐵驪遣使獻元惹十六戶六月乙未宋遣使薛由等來饋其先帝遺物秋七月己卯以耶律信寧為奉陵軍節度使高麗國參知政事王同顯靜海軍節度使耶律遂忠長寧軍節度使耿延毅昭德軍節度使高守貞河西軍節度使元月癸巳遣尚書僧隱韓格賀宋主即位壬寅遣堂後官張克恭充賀夏國王李德昭生日使耶律掃古韓王充賀宋太后生日使副耶律仙寧史克忠充賀宋正旦使副是月駐蹕胡魯古思浣冬十月癸卯朔賜宰臣呂德懋參知政

事吳叔達樞密副使楊又玄右丞相馬保忠錢物有差辛
亥至上京曲赦畿內囚十一月丙戌宋遣使來謝十二月
辛丑高麗王詢薨其子欽遣使來報即命使冊欽為高麗
國王甲寅宋遣劉燁郭志言來賀千齡節是年放進士張
漸等四十七人

三年春正月丙寅朔如納水鉤魚以僧隱為平章事乙亥
以蕭臺德為南王府都監林牙耶律信寧西北路招討都
監辛巳賜越國公主私城之名曰懿州軍曰慶懿二月丙
申以丁振為武信軍節度使改封蘭陵郡王戊申以東平
郡王蕭排押為西南面都招討進封幽王夏四月以耶律

守寧為都點檢五月清暑緬山六月戊申以南院宣徽使
劉涇叅知政事蕭孝肅為副點檢蕭孝恭東京統軍兼公
邊巡檢使戊午以蕭璉為左夷萬畢蕭琳為詳穩秋七月
戊寅以南府宰相耶律合葛為上京留守封漆水郡王丙
戌以皇后生辰為順天節丁亥賜緬山名曰永安是月獵
赤山閏月壬辰以蕭伯達韓紹雍充賀宋正旦使副唐骨
德程昭文賀宋生辰使副冬十月庚辰宋遣薛奎郭盛來
賀順天節王臻慕容惟素賀千齡節東征軍奏統帥詣領
帶衣課奴率師自毛母國嶺入林牙高九禪將大匡逸等
率師鼓山嶺入閏月未至撻離河不遇敵而還以是月會

於弘怕只嶺馳馬死者甚衆駐蹕遼河十一月辛卯朔以
皇姪宗範爲歸德軍節度使北府宰相蕭孝穆南京留守
封燕王南京留守韓愬南院大王兵馬都總管仇正燕
京轉運使十二月壬戌以宗範爲平章事封三韓郡王仇
道衡中京副留守馮延休順州刺史郎玄化西山轉運使
趙其樞密直學士丁卯以蕭永爲太子太師己卯封皇子
重元秦國王

四年春正月庚寅朔宋遣張傳張士禹程琳丁保衡來賀
如鴨子河二月己未獵撻魯河詔改鴨子河曰混同江撻
魯河曰長春河三月戊子千齡節詔賜諸宮分耆老食

四月癸酉以右丞相馬保忠之子世弘使嶺表至平地松
材爲盜所殺特贈昭信軍節度使五月清暑永安山己未
南院大王韓愬薨戊辰以鄭弘節爲兵部郎中劉慎行
順義軍節度使辛未以燕王蕭孝穆子順爲千牛衛將軍
甲戌以中山郡王查哥爲保靜軍節度使樂安郡王遂哥
廣德軍節度使蕭解里彰德軍節度使庚辰以遼興軍節
度使周王胡都古爲臨海軍節度使涿水郡王敵烈南院
大王秋七月如秋山八月丙辰以韓紹芳爲樞密直學士
駙馬蕭匹敵都點檢九月以駙馬蕭紹宗爲定武軍節度
使耶律宗福安國軍節度使冬十月駐蹕遼河宋遣蔡齊

李用和來賀千齡節十一月追封南院大王韓制心為陳
王十二月以蕭從政為歸義軍節度使康筠監門衛充賀
宋正旦使副是年放進士李烟等四十七人

本紀第十六

本紀第十七

遼史十七

開府儀同三司上柱國錄軍國重事中書省丞觀摩國史領經筵事都總裁臣於旸奏
勅修

聖宗八

五年春正月乙酉如混同江二月戊午禁天下服用明金
及金線綺國親當服者奏而後用是月如魚兒濼三月壬
辰以左丞相張儉為武定軍節度使同政事門下平章事
鄭弘節臨潢少尹劉慎行遼興軍節度使武定軍節度使
蕭匹敵契丹行宮都部署樞密副使楊又玄吏部尚書叅
知政事兼樞密使是月如長春河魚兒濼有聲如雷其水

一夕越沙岡四十里別爲一陂夏五月清暑永安山以蕭
從順爲太子太師吳叔達翰林學士道士馮若谷加太子
中允耶律晨武定軍節度使張儉彰信軍節度使呂士宗
禮部員外郎李奇舉順義軍節度使秋七月獵平地松林
九月駐蹕南京己亥以蕭迪烈李紹琪充賀宋太后生辰
使副耶律守寧劉四端充賀宋主生辰使副冬十月辛未
宋太后遣馮元宗史方來賀順天節十一月庚子幸內果
園宴京民聚觀求進士得七十二人命賦詩第其工拙以
張昱等一十四人爲太子校書郎韓藥等五十八人爲崇
文館校書郎辛丑以左祗候郎君詳穩蕭羅羅爲右夷酋
畢十二月丁巳以漢人行宮都部署蕭孝先爲上京留守
皇姪長沙郡王謝家奴匡義軍節度使耶律仁舉興國軍
節度使甲子蕭守寧爲點檢侍衛親軍馬步軍乙丑北院
樞密使蕭合卓薨十二月戊辰以北府宰相蕭普古爲北
院樞密使己巳遣蕭諧李琪充賀宋正旦使副庚午以叅
知政事劉京爲順義軍節度使乙亥宋使李維張綸來賀
千齡節是歲燕民以年穀豐熟車駕臨辛卯以土物來獻
上禮高年惠鰥寡賜酺飲至夕六街鐙火如晝士庶嬉遊
上亦微行觀之丁丑禁工匠不得銷毀金銀器
六年春正月己卯朔宋遣徐奭裴繼起張若谷崔淮來賀

庚辰如鴛鴦樂二月己酉以迷離已同知樞密院黃翮爲
兵馬都部署達骨只副之赫石爲都監引軍城混同江疎
木河之間黃龍府請建堡障三烽臺十詔以農隙築之東
京留守八哥奏黃翮領兵入女直界徇地俘獲人馬牛豕
不可勝計得降戶二百七十詔獎諭之戊午以耶律野爲
副點檢以國舅帳蕭柳氏徒魯骨領西北路十二班軍奚
王府舍利軍已巳南京水遣使振之庚午詔党項別部塌
西設契丹節度使治之三月戊寅以大同軍節度使張儉
入爲南院樞密使左丞相兼政事令叅知政事吳叔達責
授將作少監出爲東州刺史是月阻卜來侵西北路招討
使蕭惠破之夏四月丁未朔以武定軍節度使耶律漢古
爲惕隱戊申蒲盧毛朶部多兀惹六詔索之丙寅如永安
山五月辛卯以東京統軍使蕭愷古爲契丹行宮都部署
癸卯遣西北路招討使蕭惠將兵伐甘州回鶻六月辛丑
詔凡官畜並印其左以職之秋七月戊申獵黑嶺八月蕭
惠攻甘州不克師還自是阻卜諸部皆叛遼軍與戰皆爲
所敗監軍涅里姑國舅帳太保曷不呂死之詔遣惕隱耶
律共古林牙化哥等將兵討之九月駐蹕遼河許冬十月
丙子烏蘇館諸部長來朝庚辰遣使問夏國五月與宋交
戰之故辛巳以前南院大王直魯哀爲烏古敵烈都詳穩

庚寅以蕭孝順蕭紹宗兼侍中駙馬蕭紹業平章政事前
南院大王胡覲董同知上京留守安哥通化州節度使乙
丑宋遣韓翼田承詭來賀順天節十一月戊辰西北路招
討司小校掃姑訴招討蕭惠三罪詔都監奧骨禎秩之十
二月庚辰曷蘇館部乞建旗鼓訴之辛巳詔北南諸部廉
察州縣及石烈彌里之官不治者罷之詔大小職官有負
暴殘民者立罷之終身不錄其不廉直雖處重任即代之
能清勤自持者在卑位亦當薦拔其內族受賂事發與營
人所犯同科戊戌遣杜防蕭蘊充賀宋生辰使副庚子
蹕遼可

七年春正月壬寅朔宋遣張保維孫繼業孔道輔馬崇奎
來賀如混同江辛亥以女直白縷為惕隱蒲馬為嚴母部
太師甲寅蒲盧毛乃朶部遣使來貢夏四月乙未獵黑嶺五
月清暑永安山西南路招討司奏陰山中產金銀請置冶
從之復遣使追遼河源求產金銀之州六月禁諸屯田不
得擅貨官粟癸巳詔蕭惠再討阻卜秋七月己亥朔詔更
定法令庚子詔諭駙馬蕭鋹不公主粘米袞爾於后有父
母之尊后或臨幸祇謁先祖祇拜空帳失致敬之禮今後
可設像拜謁乙巳詔輦路所經旁三十步內不得耕種者
不得訴訟之限九月駐蹕遼河冬十月丁卯朔詔諸帳院

庶孽並從其母論貴賤十一月宋遣石中立石貽縣來賀
千齡節王博文王雙賀順天節辛亥以楊又玄邢祥知貢
舉乙未匡義軍節度使中山郡王查葛保寧軍節度使長
沙郡王謝家奴廣德軍節度使樂安郡王遂哥奏各將之
官乞選伴讀書史從之癸亥以三韓王欽為啓聖軍節度
使楊佶刑部侍郎甲子以左千牛衛上將軍耶律古昱為
北院大王十二月丁卯遣耶律遂英王永錫充賀宋太后
生辰蕭速撒馬保永充賀正旦使副癸酉以金吾蕭高六
為奚舍利軍詳穩

八年春正月己亥如混同江庚申党項侵邊破之甲子詔

州縣長吏勸農二月戊子燕京留守蕭孝穆乞于拒馬河
接宋境上置戍長城察詔從之三月駐蹕長春河夏五月
清暑永安山六月以韓寧劉湘充賀宋太后生辰使副吳
克荷充賀夏國王李德昭生辰使癸巳權北院大王耶律
鄭幼思奏今歲十一月皇太子納妃諸族備會親之帳詔以
豪盛者二十九給其費秋七月丁酉以遙輦帳郎君陳哥
為西北路巡檢與蕭誥領同管二招討地以南院大王耶律
敵烈為上京留守戊戌獵平地松林九月壬辰朔以渤海
宰相羅漢權東京統軍使壬子幸中京北敵烈部節度
使耶律延壽請視諸部賜旗鼓詔從之癸丑阻卜別部長

胡懶來降乙卯阻卜長春古來降冬十月宋遣唐肅葛懷
愍來賀順天節樞密使魏王耶律斜軫孫婦阿聒拍斤乘
輿其孫骨欲為之隱事覺乃并坐之仍籍其家詔燕城將
士若敵至悉管備城之東南統軍守其西北馬步軍備其
野戰統軍副使繕壁壘課士卒各練其事十一月丙申皇
太子納妃蕭氏以耶律求翰為北院大王冬十二月辛酉
朔以遙輦太尉謝佛留為天雲軍詳穩壬申以為北院大
王耶律留寧為雙州節度使康筠崇德宮都部署謝十求
興宮都部署旅墳宜州節度使■菴遼州節度使耶律同
知中京留守耶律曷魯突媿為大將軍丁丑詔庶孽雖已

為良不得預世選丁亥宋遣寇瑛康德來賀于齡節朱諫
曹英張逸劉永釗賀來歲兩宮正旦詔兩國舅及南北王
府乃國之貴族賤庶不得任本部官是歲放進士張宥等
五十七人

九年春正月至自中京二月戊辰遣使賜高麗王欽物如
幹瀛河夏五月清暑永安六月戊子以長沙郡王謝家
奴為廣德軍節度使樂安郡王遂哥匡義軍節度使中山
郡王查葛保定軍節度使進封潞王豫章王貼不長寧軍
節度使以耶律思忠耶律荷耶律高遙拜軍謝佛留陳邈韓
紹一韓知白張震充賀宋兩宮生辰及來歲正旦秋七月

戊午朔如黑嶺八月己丑東京舍利軍詳穩大延琳囚留
守駙馬都尉蕭孝先及南陽公主殺戶部使韓紹勳副使
王嘉四捷軍都指揮使蕭頗得延琳遂僭位號其國爲興
遼年爲天慶初東遼之地自神冊來附未有權酷鹽麩之
法關市之征亦甚寬弛馮延休韓紹勳相繼以燕地平山
之法繩之民不堪命燕又仍歲大饑戶部副使王嘉復獻
計造船使其民諳海事者漕粟以振燕民水路艱險多至
覆沒雖言不信鞭琳擄掠民怨思亂故延琳乘之首殺紹
勳嘉以快其衆延琳先事與副留守王道平謀道平夜棄
其家踰城走與延琳所遣乃黃龍府黃翩者俱至行在告

變上即徵諸道兵以時進討時國舅詳穩蕭匹敵治近延
琳先率本管及家兵據其要害絕其西渡之計渤海太保
夏行美亦舊主兵戍保州延琳密馳書使圖統帥耶律蒲
古行美乃以實告蒲古得書遂殺渤海兵八百人而斷其
東路延琳知黃龍保州皆不附遂分兵西取瀋州其節度
使蕭王六初至其副張傑聲言欲降故不急攻及知其詐
而已有備攻之不克而還時南北女直皆從延琳高麗亦
稽其貢及諸道兵次第皆至延琳嬰城固守冬十月丙戌
朔以南京留守燕王蕭孝穆爲都統國舅詳穩蕭匹敵爲
副統奚六部大王蕭蒲奴爲都監以討之十一月乙卯朔

如顯陵丙寅以瀋州節度副使張傑為節度使其皇城進士張人紀趙睦等二十二人入朝試以詩賦皆賜第超授保州戍將夏行美平章事壬申以駙馬劉四端權知宣徽南院事十二月丁未宋遣仇永韓永錫來賀千齡節命耶律育吳克荷蕭可觀趙利用文賀宋生辰使副耶律元吉崔閏蕭昭古實振充來歲賀宋正旦

十年春正月己卯朔宋遣主吏簡竇昶約張易張吉宜來賀二月幸龍化州三月甲寅朔詳穩蕭匹敵至自遼東言都統蕭孝穆去城四面各五里許築城堡以圍之駙馬延寧與其妹穴地道去惟公主崔八在後為守陴者覺而止

夏四月如乾陵以耶律行平為廣平軍節度使夏行美為中順軍節度使李延弘知易州蕭從順加太子太師五月戊申清暑栢坡秋七月壬午詔來歲行貢舉法八月丙午東京賊將楊詳查密送款夜開南門納遼軍擒延琳渤海平冬十月駐蹕長寧淀十一月辛亥南京留守燕王蕭孝穆以東征將士凱還戎服見上上大加宴勞翌日以孝穆為東平王東京留守國舅詳穩駙馬都尉蕭匹敵封蘭陵郡王奚王蒲奴加侍中以權燕京留守兼侍中蕭惠為燕京統軍使前統軍委密人將軍節度使宰相兼樞密使馬保忠權知燕京留守奚王府都監蕭阿古軫東京統軍使

詔渤海舊族有勳勞材力者叙用餘分居來陽遷閩等州
十二月乙巳宋遣梅詢王令傑來賀千齡節漆水郡王耶
律敵烈加尚父烏古部節度使蕭普達為乙室部大王尚
書左僕射蕭琳為臨海軍節度使

十一年春正月己酉朔如混同江二月如長春河三月上
不豫夏五月大雨水諸河橫流皆失故道六月丁丑朔馬
蹕大福河之北己卯帝崩于行宮年六十一在位四十九
年景福元年閏十月壬申上尊謚曰文武大孝宣皇帝廟
號聖宗

贊曰聖宗幼冲嗣位政出慈闈及宋人一道來攻親御甲
兵而復燕雲破信彬再舉而躡河朔不亦偉歟既而
心一啓佳兵不祥東有有陀之敗西有甘州之喪此徂
常勝之過也然其踐阼四十九年理冤滯舉才行察貪
殘抑奢僭錄死事之子孫振諸部之貧乏責迎合不忠之
罪却高麗女樂之歸遼之諸帝在位長久令名無窮其唯
聖宗乎

本紀第十七

本紀第十八

遼史十八

開府儀同三司程國錄國軍事中書省丞相兼國史領經筵事都總裁臣脫脫奉

勅修

興宗一

興宗神聖孝章皇帝諱宗真字夷不董小字只骨聖宗長子母曰欽哀皇后蕭氏上始生齊天皇后取養之幼而聰明長而魁偉龍顏日角豁達大度善騎射好儒術通音律三歲封梁王太平元年冊為皇太子十年六月判北南院樞密使事十一年六月己卯聖宗崩即皇帝位於柩前壬午尊母元妃蕭氏為皇太后甲申遣使告哀于宋及夏高

麗是年御宣政殿放進士劉貞等五十七人辛卯大赦改元景福乙未奉大行皇帝梓宮殯于永安山太平殿辛丑皇太后賜駙馬蕭鉏不舉蕭匹敵死圍場都太師文正著為皇右祗候郎君詳穩蕭延留等七人皆棄方籍其家遷齊天皇后于上京秋七月丙午朔皇太后率皇族大臨于太平殿高麗遣使弔慰上召晉王蕭普古等飲博夜分乃罷丁未擊鞠戊申以耶律韓八為左夷府軍特末里為左祗候郎君詳穩橫帳郎君樂古權右祗候郎君詳穩巴酉以耶律鄭留為千厥迪烈都詳穩高八為右皮室詳穩庚戌振薊州民饑癸丑詔馮大行皇帝御容田貢錄囚以觀

察姚居信為上將軍建慶州于慶陵之南徙民實之充奉陵宮乙卯以比歲豐稔罷給東京統軍司糧丁巳上謁大行皇帝御容哀慟久之因詔寫北府宰相蕭孝先南府宰相蕭孝穆象于御容殿以蕭阿姑軫為東京留守丁卯謁太平殿焚先帝所御弓矢幸晉王普古第視疾辛未錄囚壬申上謁神主帳時奧隈蕭氏始入宮亦命拜之八月壬午遷大行皇帝梓宮於敢塗殿九月戊申躬視慶陵庚戌問安于皇太后辛亥宋遣王隨曹儀致祭王駿許懷信梅詢張綸來慰兩宮范諷孫繼業賀即位孔道輔魏昭文賀皇太后冊禮戊午焚弧矢鞍勒于敢塗殿庚申夏國遣使

來慰庚午以宋使弔祭喪服臨敢塗殿甲戌遣御史中丞
耶律翦司農卿張確詳穩耶律勵四方館使高維翰謝宋
弔慰冬十月戊寅宰臣呂德懋薨癸未殺鉏不里黨彌勒
奴觀音奴等丙戌遣工部尚書高德順崇祿卿李可封致
先帝遺物于宋以右領軍衛上將軍耶律遜少府監馬愷
充皇太后謝宋使右監門衛上將軍耶律元載引進使魏
求充皇帝謝宋使丁酉夏國遣使來賻戊戌以蕭革趙爲
果耶律郁馬保業充來歲賀宋正旦使閏月辛亥詔敢塗
殿闕玄宮闕器有司請以生辰爲求壽節皇太后生辰爲
應聖節從之辛酉闕新造鎧甲丁卯振黃龍府饑民十一

月二辰上率百僚奠于敢塗殿出大行皇帝服蓋以
之縱五坊鷹鷂甲午葬文武大孝宣皇帝于慶陵乙未祭
天也問安皇太后丙申謁慶陵以遺物賜群臣名其山曰
慶雲殿曰望仙十二月癸丑至自慶陵皇太后聽政帝不
親庶務群臣表請不從是歲以興平公上下嫁夏國三李
德昭于元昊以元昊爲夏國公駙馬都尉

重熙元年春正月壬申朔皇太后御正殿受帝與群臣朝
未遣任布王遵範陳琰王克善來賀乙亥宋遣鄭向耶律
範來賀求壽節丁丑如雪林二月大蒐三月壬申朔尚書
添水郡王敵烈復爲惕隱是春皇太后誣齊天皇后以罪

遣人即上京行弒后請具浴以就死許之有頃台...
司乙巳清暑別輦斗秋七月獵平地松林以蕭達溥王...
去蕭麗張素羽充來歲賀宋正旦生辰使八月丙午...
刺河源皇子洪基生冬十月巳酉幸中京十一月巳...
率群臣上皇太后尊號曰法天應運仁德章聖皇太后...
臣上皇帝尊號曰文武仁聖昭孝皇帝大赦改元重熙...
未穴遣劉隨王德本來賀應聖節以楊佺為翰林承旨丙...
戌夏國遣使來賀辛卯五國酋長來貢夏國王李德昭...
冊其子夏國公元昊為夏國王十二月庚戌宋遣...
從益崔暨張懷志來賀來歲正旦又遣楊日嚴王...

加賀壽節以北大王耶律朮翰同平章事是年...
師貞等五十七人

二年春正月庚辰東... 使來貢士及女... 詳

穩臺押率所部來貢... 安繼自來饋母... 使耶律善寧給事中

知制誥李奎充祭... 使馬世卿充兩宮弔

慰使秋七月甲子... 高升耶律迪王惟允充兩
宮賀宋生辰使副... 賀宋來歲正旦

使副八月丁酉... 乙卯遣使閱諸路禾稼冬十一

月甲申宋遣劉... 張茂... 集來謝... 莫十二
月乙未宋遣丁度王... 賀... 聖節已... 禁夏國使沿
路私市... 鐵甲... 宋... 王冲... 張緯李紘李繼
一來賀永壽節... 庚申... 北府宰相蕭孝先為
樞密使

三年春正月丁卯宋使... 頻卒詔有司賻贈命近侍護喪
以歸辛卯如春水二月壬辰... 北院樞密使蕭普古為東
京留守戊申耶律六師奴有侍襁褓恩詔入屬籍夏四月
甲寅振耶迷只部五月庚申朔清暑沿柳湖是月皇太后
還政于上躬守慶陵六月己亥以蕭普古為南院樞密使

秋七月戊子朔上始親政以耶律庶徵劉六符耶律隆溥
可久充賀宋來歲正旦使副壬辰如秋山冬十月己未駐
蹕中會川十二月宋遣段少連杜仁贊來賀來歲正旦揚
偕李守忠來賀永壽節

四年春正月庚寅如耶迷只里三月乙酉朔立皇后蕭氏
夏四月甲寅朔如涼陞五月庚子清暑散水源六月癸丑
朔皇子寶信奴生以耶律信昌子宗蕭袞郭揆充賀宋生
辰及來歲正旦使副秋七月壬午朔獵于黑嶺九月己酉
駐蹕長寧浚冬十月如王子城十一月壬午改南京總管
府為元帥府乙酉行此冊禮于白嶺大赦加尚父耶律信

寧政事令耶律求翰老宿賈以功臣十二月癸丑詔諸軍
砲弩弓劍手以時閱焉庚申遣鄭戩柴貽範揚日華張
士禹來賀永壽節及正月

五年春正月甲申如燕見灤樞密使蕭延寧請改國舅乙
室小功帳敵史為將軍從之四月庚申以潞王查葛為南
府宰相崇德宮使耶律馬六為惕隱甲子幸后弟蕭無曲
第曲水泛觴賦詩丁卯頒新定條制己巳上與大臣分朋
擊鞠五月甲午南幸丁未如胡土白山清暑庚申幸北院
大之高十行帳拜奧賜銀絹壬戌詔修南京宮闕府署秋
七月辛丑錄囚耶律把八誣其弟韓哥謀殺己有司奏當

反坐臨刑其弟泣訴臣惟一兄乞貸其死上憫而從之九
月癸巳獵黃花山獲熊三十六賞獵人有差冬十月丁未
幸南京辛亥曲赦析津府境內囚壬子御元和殿以日射
三十六熊賦幸燕詩試進士于廷賜馮立趙徽四十九人
進士第以馮立為右補闕趙徽以下皆為太子中舍賜緋
衣銀魚遂大宴御試進士自此始宋遣宋郊王世文來賀
永壽節甲子宰臣張儉等請幸禮部貢院歡飲至暮而罷
賜物有差以耶律祥張素民耶律甫王澤充賀宋生辰正
日使副

六年春正月丁丑西幸三月戊寅以秦王蕭孝穆為北院

樞密使徙封吳王晉王蕭孝先為南京留守夏四月獵野
狐嶺閏月獵龍門縣西山五月己酉清暑炭山以耶律韓
八為北院大王蕭把哥左夷离畢王子即君詳穩鼻姑得
林牙簽北面事耶律涅哥同簽點檢司甲寅錄囚以南大
王耶律信寧故匿重囚及侍婢贓污命撻以劍脊而奪其
官都監坐阿附及侍婢罪皆論死詔貸之丙辰以耶律信
寧為西南路招討使庚申出飛龍廐馬賜皇太弟重元及
北南面侍臣有差癸亥以上京留守耶律胡覩袞為南大
王平章事蕭查刺寧上京留守侍中管寧行宮都部署耶
律蒲奴寧烏古迪烈得都詳穩甲子以上京留守耶律洪

古為北院大王六月壬申朔以善寧為殿前都點檢護衛
太保耶律合住兼長寧宮使蕭阿刺里耶律烏魯幹耶律
和尚蕭韓家奴蕭特里蕭求翰為各宮都部署上酒酣賦
詩吳國王蕭孝穆北宰相蕭八撒等皆屬和夜中乃罷已
卯祀天地癸未賜南院大王耶律胡覩袞命上親為製誥
詞并賜詩以寵之丙申以北院大王侯哂為南京統軍使
秋七月辛丑朔以北南樞密院獄空賞賚有差壬寅以皇
太弟重元生子賜詩及寶玩器物曲赦死罪以下癸卯如
秋山八月己卯北樞密院言越棘部民苦其酋帥坤長不
法多流亡詔罷越棘等五國酋帥以契丹節度使一負領

之冬十月癸酉駐蹕石寶岡十一月己亥朔阻卜酋長來
奇辛亥以契丹行宮都部署蕭惠為南院樞密使壬子以
營寧為南院樞密使蕭掃古諸行宮都部署耶律裏里知
南面行宮副部署蕭阿刺里左祗候郎君詳穩耶律曷主
右祗候郎君詳穩庚申幸晉國公主行帳視疾封皇子洪
基為梁王十二月以楊佖為忠順軍節度使遣耶律幹秦
鑑耶律德崔繼芳賀宋生辰及正旦

七年春正月戊戌朔宋遣高若訥夏元正謝絳張茂實來
賀正旦及永壽節辛丑如混同江二月庚午如春州乙亥
駐蹕東川丁丑高麗遣使來貢壬午幸五坊閱鷹鷂乙酉

遣使慶州問安皇太后三月戊戌朔幸皇太弟重元行帳
壬寅如蒲河淀辛亥夏國遣使來貢甲寅錄囚夏四月己
巳以興平公主薨遣北院承旨耶律庶成持詔問夏國王
李元昊公主生與元昊不睦沒詰其故己卯獵白馬場甲
申射兔新淀并乙未獵金山遣楊家進鹿尾茸于大安宮
六月乙亥御清涼殿試進士賜彤彭年以下五十五人第
秋七月甲辰錄囚乙巳阻卜酋長屯禿古斯來朝戊申如
黑嶺九月丁未駐蹕平淀冬十月甲子朔渡遼河丙寅駐
蹕白馬淀壬申錄囚十一月癸巳朔以耶律元方張泥韓
至德蕭傳充賀宋生辰正旦使副辛丑問安皇太后進珍

玩庚申錄四十二月召善擊鞠者數十人于東京令與近
臣角勝上臨觀之己巳以皇太弟重元判北南院樞密使
事北府宰相撤八寧再任兼知東京留守事耶律應穩南
府宰相查割折大內惕隱乙室已帳蕭翰乾州節度使劉
六符參知政事王子帳冠哥王子即君詳穩鉏審大王平
州節度使宰臣張克恭守司空宰臣韓紹芳加侍中惕隱
耶律馬六北院宣徽使傅父耶律喜孫南府宰相癸未宋
遣王舉正張士禹來賀永壽節甲申命日進酒于大安宮
致薦慶陵丁亥錄囚非故殺者減科南面侍御壯骨里詐
取女直貢物罪死上以有吏能黥而流之

八年春正月壬辰朔宋遣韓琦王從益來賀丙申如混同
江觀魚戊戌振品部庚戌又魚于率波里河丁巳禁朔州
鬻羊于宋二月丙子駐蹕長春河夏六月乙丑詔括戶口
秋七月丁巳謁慶陵致奠于望仙殿迎皇太后至顯州謁
園陵還京冬十月駐蹕東京十一月甲午詔有言北院處
事失平擊鐘及邀駕告者悉以奏聞戊戌朝皇太后召僧
論佛法戊申皇太后行再生禮大赦己酉城長春閏十二
月壬辰視吳國王蕭孝穆疾宋遣龐籍杜贊來賀永壽節
九年春正月丙辰朔上進酒于皇太后宮御正殿宋遣王
拱辰彭再思來賀庚申如鴨子河二月駐蹕魚兒樂三月

辛未以應聖節大赦五月乙卯朔清暑永安山六月射柳
祈雨秋七月癸酉宋遣郭禎以伐夏來報遣樞密使杜防
報聘丁丑如秋山冬十月癸未朔駐蹕中會川十一月甲
子女直侵邊發黃龍府鐵驪軍拒之宋遣蘇伸向傳範來
賀應聖節十二月庚寅以北大王府布猥帳即君自言先
世與國聯姻許置敵史命本帳蕭胡覩為之辛卯以所得
女直戶置肅州以蕭迪劉三嘏耶律元方王惟吉耶律庶
忠孫文昭蕭紹筠秦德昌充賀宋生辰及來歲正旦使副
詔諸犯法者不得為官吏諸職官非婚祭不得沉酗廢事
有治民安邊之略者悉具以聞

本紀第十八

本紀第十九

遼史十九

開府儀同三司在國錄管國重事中華右丞相兼修國史領經筵事都總裁臣勝承

勅修

興宗二

十年春正月辛亥朔宋遣梁適張從一富弼趙日宣來賀
甲子復遣吳育馮戴來賀永壽節二月庚辰朔詔蒲盧毛
朶部歸曷蘇館戶之没入者使復業甲申北樞密院言南
北二王府泊諸部節度侍衛祗候郎君皆出族帳既免與
戊戌邊其祗候事請亦得以部曲代行詔從其請夏四月
詔罷修鴨綠江浮梁及漢兵屯戍之役又以東京留守蕭

撒八言弛東京擊鞠之禁六月戊寅以蕭寧耶律坦崔禹
稱馬世良耶律仁先劉六符充賀宋生辰使副耶律庶成
趙成耶律烈張旦充來歲賀宋正旦使副秋七月壬戌詔
諸職官私取官物者以正盜論諸敢以先朝已斷事相告
言者罪之諸帳郎君等於禁地射鹿決三百不徵償小將
軍決二百以下及百姓犯者罪同郎君論八月丙戌以醫
者鄧延貞治詳穩蕭留寧疾驗贈其父母官以獎之九月
辛亥朝皇太后國舅留寧薨庚申皇太后射獲熊上進酒
為壽癸亥上獵馬孟山草木蒙密恐獵者誤射傷人命取
律迪姑各書姓名于矢以志之丙寅夏國獻宋俘以石礮

砮太保郭三避虎不射免官冬十月丙戌詔東京留守蕭
孝忠察官吏有廉幹清彊者具以名聞庚寅以女直太師
臺押為曷蘇館都大壬辛卯以皇子胡盧斡里生北宰相
駙馬撒八寧迎上至其第宴飲上命衛士與漢人角觥為
樂壬辰復飲皇太后殿以皇子生肆赦夕復引公主駙馬
及內族大臣入寢殿劇飲甲午幸中京庚子以駙馬都尉
蕭忽烈為國舅詳穩十一月丙辰回鶻遣使來貢十二月
丙子朔宋遣劉沆下整來賀應聖節乙未置撻木不姑酋
長以胡撻刺為平章事上聞宋設關河治壕塹恐為邊患
與南北樞密吳國王蕭孝穆趙國王蕭貫寧謀取宋舊割

關南十縣地遂遣蕭英劉六符使宋庚寅宋遣張沔侯宗
亮薛申侍其澹施旨言潘永照來賀永壽節及來歲正旦
以宣政殿學士楊佖為吏部尚書判順度軍節度使事丁
酉議伐宋詔諭諸道

十一年春正月戊申奉迎皇太后于內殿庚戌遣南院宣
徽使蕭特末翰林學士劉六符使宋取晉陽及瓦橋以南
十縣地且問興師伐夏及汾邊疏澹水澤增益兵戍之故
二月壬寅如駕鵞灤四月甲戌朔南征賞罰令六月乙
亥宋遣富弼張茂實奉書來聘以書答之壬午御含涼殿
放進士王寔等六十四人禁氈銀鬻入宋秋七月壬寅朔

詔盜易官馬者減死論外路官勤瘁正直者考滿代不治
事者即易之八月丙申宋復遣富弼張茂實奉書來聘乞
增歲幣銀絹以書答之九月壬寅遣北院樞密副使耶律
仁先漢人行宮副部署劉六符使宋約和是時富弼為上
言大意謂遼與宋和坐獲歲幣則利在國家臣下無與與
宋交兵則利在臣下害在國家上感其言和好始定閏月
癸未耶律仁先遣人報宋歲增銀絹十萬兩匹文書稱貢
送至白溝帝喜宴群臣于昭慶殿是日振恤三父族之貧
者辛卯仁先劉六符還遼宋國誓書冬十一月丁亥群臣
加上尊號曰聰文聖武英略神功睿哲仁孝皇帝冊皇后

蕭氏曰貞懿宣慈崇聖皇后大赦梁王洪基進封燕國王
十二月癸卯朝皇太后甲辰封皇太弟重元子涅魯古爲
安定郡王己酉以宣獻皇后忌日上與皇太后素服飯僧
于延壽憫忠三學三寺辛亥詔蠲預備伐宋諸部租稅一
年壬子以吐渾党項多鬻馬夏國詔謹邊防己未宋遣賀
正旦及永壽節使居邸帝微服往觀丁卯禁喪葬殺牛馬
及藏珍寶

十二年春正月辛未遣同知析津府事耶律敵烈樞密院
都承旨王惟吉諭夏國與宋和壬申以吳國王蕭孝穆爲
南院樞密使北府宰相蕭孝忠北院樞密使封楚王韓國

王蕭惠北府宰相同知元帥府事韓八南院大王耶律遼
晒東京留守北院樞密副使耶律仁先同知東京留守事
北面林牙蕭革北院樞密副使甲戌如武清寨葺淀二月
壬寅禁關南漢民弓矢己酉夏國以加上尊號遣使來賀
甲寅耶律敵烈等侍夏國還奏元昊罷兵即遣使報宋三
月辛卯幸南京壬辰高麗國以加上尊號遣使來賀夏四
月己亥置回跋部詳穩都監庚子夏國遣使進馬馳五月
辛卯幹魯蒲盧毛朵部二使來貢失期春而遣還乙未詔
復定禮制是月幸山西六月丙午詔世選宰相節度使族
屬及身爲節度使之家許葬用銀器仍禁殺牲以祭庚戌

詔漢人宮分戶絕恒產以親族繼之辛亥阻卜大王屯禿
古斯弟太尉撒葛里來朝丙辰回鶻遣使來貢甲子以南
院樞密使吳國王蕭孝穆爲北院樞密使徙封齊國王秋
七月丙寅朔北院樞密使蕭孝忠薨特釋繫囚庚寅夏國
遣使上表請伐宋不從八月丙申謁慶陵辛丑燕國王洪
基加尚書令知北南院樞密使事進封燕趙國王戊午以
前西北路招討使蕭塔烈葛爲右夷离畢庚申干越耶律
洪古薨甲子阻卜來貢九月壬申朝皇太后謁望仙殿壬
午謁懷陵冬十月丁酉駐蹕中會川己亥北院樞密使蕭
孝穆薨追贈大丞相晉國王庚子詔諸路上重囚遣官詳

讞辛亥參知政事韓紹芳爲廣德軍節度使三司使劉六
符長寧軍節度使壬子以夏人侵党項遣延昌宮使高家
奴讓之甲子北府宰相蕭惠爲北院樞密使幽王遂哥爲
惕隱惕隱敵魯古封濟水郡王西北路招討使樞密副使
蕭阿剌同知北院宣徽事出飛龍廐馬分賜群臣十一月
丁丑追封楚王蕭孝忠爲楚國王丁亥以上京歲儉復其
民租稅癸巳朝皇太后十二月戊申改政事省爲中書省
十三年春正月甲子朔朝皇太后戊辰如混同沅辛未獵
兀魯館岡二月庚戌如魚兒灤丙辰以參知政事杜防爲
南府宰相三月丁亥高麗遣使來貢以宣政殿學士揚信

參知政事是月置契丹警巡院夏四月己酉遣東京留守
耶律侯哂知黃龍府事耶律歐里斯將兵攻蒲盧毛朶部
甲寅南院大王耶律高十奏党項等部叛附夏國丙辰西
南面招討都監羅漢奴詳穩幹魯母等奏山西郡族節度
使屈烈以五部叛入西夏乞南北府兵援送實威塞州戶
詔富者遣行餘留屯疑大德軍五月壬戌朔羅漢奴奏所
發部兵與党項戰不利招討使蕭普達四捷軍詳穩張佛
奴歿于陣李元昊來援叛黨戊辰詔徵諸道兵會西南邊
以計元是六月甲午阻卜酋長烏八遣其子執元昊所遣
來援使密邑改來乞以兵助戰從之駐蹕永安山以將伐

續資治通鑑長編卷之九十九
高宗皇帝二十二年丙申詔南院大王耶
律高十高麗遣使來貢平才錄四秋七月辛酉奇河縣辰

李宜元以左道惑眾伏誅庚午丙申主禮庚辰百多國君使
來朝八月乙未以夏使對以請霸丁巳夏國復遣使
來詢以事帝又不以貴對各之九月戊辰宋以親征夏國
遣余靖致書權于西會軍于九十九泉以皇太弟重元
北院樞密使韓國王蕭德用元峰安西征冬十月以寅祭
天地丙申獲寶符丁酉李元昊上表謝罪已
亥元昊遣使來

進方物詔北院樞密副使...
元昊親率党項三部來朝...
酒許以自忠...
執丁巳元昊遣使...
國十月辛酉賜...
為西京辛巳朝皇太后十一月己酉...
樞密副使耶律敵烈為右夷...
中蕭相觀自夏來歸

十四年春二月... 中以侍中蕭虛烈為南院統軍使

西郡... 庚午如駕... 將軍敵魯古為...
乙亥... 甲申... 庚子... 戊戌... 丙申...
宋... 庚辰... 辛亥... 壬午... 乙卯...
五清... 丁卯... 己卯... 壬午... 乙卯...
諸酋... 庚辰... 辛亥... 壬午... 乙卯...
蕭... 庚辰... 辛亥... 壬午... 乙卯...
會川... 甲子... 乙丑... 丙寅... 丁卯...
蘭... 庚辰... 辛亥... 壬午... 乙卯...
相... 庚辰... 辛亥... 壬午... 乙卯...

十五兵春正月乙酉如混同江禁契丹以奴婢鬻與漢人
二月乙亥如長春三月寅蒲盧毛乃木界曷懶河戶來附詔
撫之三月甲申如大后乙酉以應聖節減死罪釋徒以
下辛卯朝皇太后言諸道咸具獄訟西高麗遣使來貢
以聞夏四月乙酉禁五京吏民擊鞠戊午罷遣華帳戍軍
壬戌以女直詳穩蕭高六為奚六部大王甲子清者求
安山十成蒲盧毛乃曷懶河百八十戶來附六月癸丑以
西京留守耶律馬六為漢行宮都部署叅知政事揚信
出為漢軍即遣使戊辰御清凉殿放進士王崇等六十
八人漢人將契丹耶律敵魯古坐賊免官秋之月

乙酉龜王遂哥薨戊子觀穫乙未以北院宣徽使旅墳為
左夷離畢前南府宰相耶律喜孫東北路詳穩丙申籍諸
路軍丁酉如秋山辛丑禁扈從踐民田丁未以女直部長
遮母率衆來附加太師八月癸丑高麗王欽薨遣使來告
九月甲辰禁以置網捕狐兔冬十月己酉主驛中會川十
一月丁亥以南院樞密使蕭孝友為北府宰相契丹行宮
都部署耶律仁先南院大王北府宰相蕭章同知北院樞
密使事知夷離畢事耶律信先漢人行宮都部署左夷離
畢旅墳惕隱漢人行宮都部署耶律敵烈左夷離畢已亥
海部以契丹戶例通括軍馬乙巳振南京貧民十二月

通紀一
壬申 以下罪是日為聖宗在時生辰

本紀第十九

本紀第二十

遼史二十

開府儀同三司上柱國錄軍國重事守書右丞相監修國史領經筵事都統蓋脫脫奉

勅修

興宗三

十六年春正月己卯如混同江二月庚申如魚兒灤辛酉
禁群臣遇宴樂奏請私事詔世選之官從各部者舊擇材
能者用之三月丁亥如黑水灤癸巳遣使審決雙州囚壬
寅大雪夏四月乙巳朔皇太后不豫上馳往視疾丙午皇
太后愈復如黑水灤丁卯肆赦六月戊申清暑永安山丁
巳阻卜大王屯禿古斯來朝獻方物戊午詔士庶言事秋

七月辛卯幸慶州自是月至九月日射獵于楚不溝霞
列繫輪石塔諸山冬十月辛亥幸中京謁祖廟丙辰定公
主行婦禮於舅姑儀庚午鐵驪仙門來朝以始八貢加右
監門衛大將軍十一月戊寅祠木葉山已丑幸中京朝皇
太后壬辰禁漏泄宮中事十二月辛丑朔女直遣使來貢
辛亥謁太祖廟觀太宗收晉圖癸丑問安皇太后乙卯以
太后諭雜犯死罪減一等論徒以下免庚申南府宰相杜
防韓紹榮奏事有誤各以大杖決之出防爲武定軍節度
使壬戌高麗遣使來貢

十七年春正月丁亥如春水閏月癸丑射虎于候里吉二

月辛巳振瑤穩嘲穩部是月詔士庶言國家利便不得及
已事奴婢所見許白其主不得自陳夏國王李元昊薨其
子諒祚遣使來告即遣永興宮使耶律裏里右護律律太保
耶律興老將作少監王全慰奠三月癸卯以同知南京留
守事蕭塔烈葛爲左夷离畢知右夷离畢事唐古爲右夷
离畢丙午夏國李諒祚遣使上其父元昊遺物丁卯鐵不
得國使來乞以本部軍助攻夏國不許夏四月辛未武定
軍節度使杜防復爲南府宰相丙子高麗遣使來貢田申
蒲盧毛朵部大王蒲輦以造舟人來獻六月庚辰阻卜獻
馬駝二萬辛卯長白山太師柴葛回跋部太師撒刺都來

貢方物秋七月丁未于越摩梅欲之子不葛一及婆離八
部夷离莖虎馿等內附甲寅錄囚減雜犯死罪八月丙戌
復南京貧戶租稅戊子以殿前都點檢耶律義先為行軍
都部署中順軍節度使夏行美副部署東北面詳穩耶律
朮者為監軍伐蒲奴里酋陶得里冬十月甲申南院大王
耶律韓八薨甲午駐蹕獨盧金十一月乙未朔遣使括馬
丁巳賜皇太弟重元金券封皇子和魯幹為越王阿璉許
王忠順軍節度使謝家奴陳玉西京留守貼不漢玉惕隱
旅墳遼西郡王行宮都部署別古得柳城郡王奉陵軍節
度使侯古饒樂郡王安定郡王涅魯古進封楚王

十八年春正月甲午朔日有食之戊戌留夏國賀正使不
遣己亥遣北院樞密副使蕭惟信以伐夏告宋辛丑錄囚
丙午如鴛鴦灤丙辰獵霸特山耶律義先奏蒲奴里捷二
月庚辰立燕趙國王洪基帳視疾乙酉耶律義先等執陶
得里以獻三月乙巳高昌國遣使來貢壬子以洪基疾愈
赦雜犯死罪以下丁巳烏古遣使送款夏四月癸酉以南
府宰相耶律高十為南京統軍使五月甲辰五國酋長各
率其部來附庚戌回跋部長兀迭臺扎等來朝戊午五國
節度使耶律仙童以降為古叛人授左監門衛上將軍六
月壬戌朔以韓國王蕭惠為河南道行軍都統趙王蕭孝

友漢王貼不副之乙丑錄囚丙寅行十二神燾禮口巳宋
以遼師伐夏遣錢逸致贖禮庚辰阻卜來貢馬馳珍玩辛
巳夏國使來貢留之不遣丁亥行再生禮秋七月戊戌親
征八月辛酉渡河夏人遁乃還九月丁未蕭惠等為夏人
所敗冬十月北道行軍都統耶律敵魯古率阻卜諸軍至
賀蘭山獲李元昊妻及其官僚家屬男女三千來獻禮
之烏古敵烈部都詳穩蕭法民之南社耶律幹里訶焉十
二月戊寅慶陵林亦八巳錄囚有弟從兄為強盜者兄
弟俱無子特原其弟

十九年春正月庚寅蕭惠繼加檢校太尉庚午耶律敵魯
古復封漆水郡王諸將校及阻卜等部酋長各進爵有差
贈蕭慈氏奴同中書門下平章事辛丑遣使問罪于夏國
壬寅如魚兒灤二月丁亥夏將汪普猥貨乙靈紀等來攻
金肅城南面林牙耶律高家奴等破之汪普被創遁去殺
其貨乙靈紀三月戊戌殿前都點檢蕭送里得與夏戰于
二角川敗之癸卯命西南招討使蕭蒲奴北院大王宜新
林牙蕭撒抹等帥師伐夏以行宮都部署別古得監戰甲
辰遣同知北院樞密使蕭革按軍邊城以為聲援己酉駐
蹕息雞沉丙辰幸殿前都點檢蕭迭里得駙馬都尉蕭胡
覲帳視疾夏四月丙寅如魚兒灤壬申蒲盧毛朵部惕隱

信篤來貢甲申高麗遣使來貢五月己丑如涼陁癸巳蕭
蒲奴等入夏境不與敵遇縱軍俘掠而還丁酉夏國汪普
來降己亥遠夷拔思母部遣使來貢六月丙辰朔置倒塌
嶺都監丙寅謁慶陵庚午幸慶州謁大安殿壬申詔醫
屠販奴隸及倍父母或犯事逃亡者不得舉進士回跋曷
蘇館蒲盧毛朶部各遣使貢馬甲戌宋遣使來賀伐夏捷
高麗使俱至辛巳御金鑾殿試進士秋七月壬辰駐蹕恬
皇蒲盃癸巳以燕趙國王洪基領北南樞密院乙未阻卜
長豁得刺弟幹得來朝加太尉遣之戊戌錄囚戊申以左
夷离畢蕭唐古爲北院樞密副使壬子獵候里吉八月丁

卯阻卜酋長噶魯葛放里斯來朝九月壬寅夏人侵邊敵
魚疑遣六院軍將海里斡等敗之冬十月庚午遷上京辛未
夏國王李諒祚母遣使乞依舊稱藩使還詔諭別遣信臣
諷關之徐思之壬申釋臨潢府役徒甲戌如中會川十一
月甲午阻卜酋長豁得刺遣使來貢庚戌錄囚壬子出南
府宰相韓知白爲武定軍節度使樞密副使楊績長寧軍
節度使翰林學士王綱澤州刺史張宥徽州刺史知制誥
周白海北州刺史閏月乙卯以漢王貼不爲中京留守辛
未以同知北院樞密使事蕭葉爲南院樞密使南院大王
耶律仁先知北院樞密使事封守王十二月丁亥北府宰

相趙王蕭孝友出爲東京留守蕭塔列爲爲
府宰相南院樞密使潞王查爲爲南院大玉庚戌韓國王
蕭惠從封魏王致仕子夏國李諒祚遣使上表乞依舊
臣屬

二十年春正月戊戌駐蹕混同江二月甲申遣前北院都
監蕭友括等使夏國索党項叛戶已丑如蒼耳濼甲辰吐
葉遣使來貢三月壬子朔幸黑水夏五月癸丑蕭友括等
使夏還李諒祚母表乞如党項權進之駝牛羊等物已
夏國遣使求唐隆鎮及乞罷新建城邑以證卷之六月丙
戌詔以所獲李元昊妻及前後所獲夏人安置蘇州戍

夏所獲物遣使遺宋秋七月如秋山九月詔更定條制駐
蹕中會川冬十月己卯朔括諸道軍籍十一月庚申以楊
隱都監蕭謨魯爲左夷島昇甲子命東京留守司總領戶
部內省事丁卯罷中丞記錄職官過犯令承旨總之十二
月乙酉以皇太后行再生禮肆赦

二十一年春正月辛亥如混同江二月如魚兒濼夏四月
癸未以國舅詳穩蕭阿剌爲西北路招討使封西平郡王
六月丙子駐蹕永安山秋七月甲辰朔召北府宰相蕭塔
烈葛南府宰相漢王貼不南院樞密使蕭革知北院樞密
使事仁先等賜坐論古今治道戊申祀天地已酉詔北南

樞密院日再奏事壬子追尊太祖之祖爲簡獻皇帝廟號
玄祖祖妣爲簡獻皇后太祖之考爲宣簡皇帝廟號德祖
妣爲宣簡皇后追封太祖伯父夷離董巖木爲蜀國王于
越釋魯爲隋國王以燕趙國王洪基爲天下兵馬大元帥
知楊隱事賜詔諭之癸亥近侍小底盧賢爲學御畫免死
配役終身甲子如秋山戊辰謁慶陵以南院樞密使蕭革
爲北院樞密使封吳王辛未如慶州壬申追封太祖弟宣
威右爲許國王八月戊子太尉烏者薨詔配享聖宗廟九
月乙卯平州進白兔己未謁懷陵庚申追上嗣聖皇帝天
順皇帝尊謚及更謚彰德皇后曰靖安癸亥謚齊天皇后

曰仁德皇后甲子謁祖陵增太祖謚大聖大明神烈天皇
帝更謚貞烈皇后曰淳欽恭順皇帝曰章肅后蕭氏謚曰
和敬冬十月戊寅駐蹕中會川丁亥夏國李諒祚遣使乞
弛邊備即遣蕭友括奉詔諭之戊子幸顯懿二州甲午遼
興軍節度使蕭虛烈封鄭王南院大王潞王查葛爲南院
樞密使進封越國王戊戌射虎于南撒葛栢辛丑謁乾陵
十一月壬寅朔增謚文獻皇帝爲文獻欽義皇帝及謚二
后曰端順曰柔貞復更謚世宗孝烈皇后爲懷節丁未增
孝成皇帝謚曰孝成康靖皇帝更謚聖神宣獻皇后爲睿
智甲子次中會川回鶻阿薩蘭遣使貢名馬文豹丙寅錄

四十二月戊戌以北府宰相塔烈葛為南京統軍使鄭王
虛烈北府宰相契丹行宮都部署耶律義先惕隱釋役徒
限年者

二十二年春正月乙巳如混同江二月丙子回鶻阿薩蘭
為隣國所侵遣使求援庚辰如春水三月癸亥李諒祚以
賜詔許降遣使來謝丙寅如黑水濼夏四月戊子獵鶴淀
五月壬寅詔內地州縣植果六月壬申駐蹕胡呂山癸未
高麗遣使來貢秋七月己酉阻卜大王屯秃古斯率諸部
長獻馬駝庚申如黑嶺閏月庚午烏古來貢癸巳長春州
真錢帛司九月壬辰夏國李諒祚遣使進降表田午遣南

面林牙高家奴等奉詔撫諭冬十月丙申朔日有食之十
一月辛卯詔諸職事官以禮受代及以罪去者置籍歲申
樞密院十二月丙申朔詔回鶻部副使以契丹人充庚子
應聖節曲赦徒以下罪壬子詔大臣曰朕與宋主約為兄
弟歡好歲久欲見其繪像可諭來使

二十三年春正月己巳如混同江癸酉獵雙子淀戊子夏
國遣使貢方物壬辰如春水甲午獵盤直坡三月丁亥幸
皇太弟重元帳夏四月癸卯高麗遣使來貢癸丑獵合只
忽里五月己巳李諒祚乞進馬駝詔歲貢之庚寅駐蹕永
安山壬辰夏國遣使來貢六月丙申如慶州己亥謁慶陵

壬寅高麗王徽請官其子詔加檢校太尉辛亥吐蕃遣使
來貢秋七月己巳夏國李諒祚遣使來求婚甲戌如秋山
已卯詔入房族巾幘九月庚寅獵遇三虎縱犬獲之冬十
月丁酉駐蹕中京戊戌幸新建祕書監辛丑有事于祖廟
癸丑以開泰寺鑄銀佛像曲赦在京囚丙辰李諒祚遣使
進誓表十一月乙丑阻卜部長來貢壬申帝率群臣上皇
太后尊號曰仁慈聖善欽孝廣德安靜貞純懿和寬厚崇
覺儀天皇太后大赦內外官進級有差癸未錄囚甲申群
臣上皇帝尊號曰欽天奉道祐世興曆武定文成聖神仁
孝皇帝冊皇后蕭氏曰貞懿慈和文惠孝敬廣愛崇聖皇

后十二月丙申如中會川

二十四年春正月癸亥如混同江戊辰朝皇太后辛巳宋
遣使來賀饋馴象二月己丑朔召宋使釣魚賦詩癸巳如
長春河甲寅夏國遣使來賀三月癸亥皇太弟重元生子
曲赦行在及長春鎮北二州徒以下罪夏五月駐蹕南崖
秋七月壬午如秋山次南崖之北峪不豫八月丁亥疾大
漸召燕趙國王洪基諭以治國之要戊子大赦縱五坊鷹
鶻焚鈎魚之具己丑帝崩于行宮年四十遣詔燕趙國王
洪基嗣位清寧元年十月庚子上尊謚為神聖孝章皇帝
廟號興宗

贊曰興宗即位年十有六矣不能先尊母后而尊其母以
致臨朝專政賊殺不辜又不能以禮幾諫使齊天死於弒
逆有虧王者之孝惜哉若夫大行在殯飲酒博鞠疊見箴
書及其謁遺像而哀慟受宋弔而衰絰所爲若出二人何
爲其然歟至於感富弼之言而申南宋之好許諒祚之盟
而罷西夏之兵邊鄙不騷政治內修親策進士大修條制
下至士庶得陳便宜則求治之志切矣于時左右大臣曾
不聞一賢之進一事之諫欲庶幾古帝王之風其可得乎
雖然聖宗而下可謂賢君矣

本紀第二十



